



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA

Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229

Sjedište: ul. Jaroslava Černija br. 8, tel: 033 237-655, 033 447-741; fax: 033 440-658, www.viksa.ba

Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Na osnovu člana 271., a u vezi sa članom 303. stav (1) Zakona o privrednim društvima ("Službene novine Federacije BiH", broj: 81/15 i 75/21), člana 8. stav (1) tačka d) i člana 26. stav (1) Zakona o javnim preduzećima u Federaciji Bosne i Hercegovine ("Službene novine Federacije BiH", broj 8/05, 81/08, 22/09 i 109/12), člana 29. stav (1) tačka m) Statuta KJKP "Vodovod i kanalizacija" d.o.o. Sarajevo, broj: 2317/22 od 18.04.2022. godine i Odluke Nadzornog odbora broj: 8V-01/24 od 28.03. 2024. godine, Nadzorni odbor KJKP "Vodovod i kanalizacija" d.o.o. Sarajevo raspisuje:

JAVNI KONKURS
za izbor i imenovanje tri člana Odbora za reviziju
KJKP "Vodovod i kanalizacija" d.o.o. Sarajevo

Raspisuje se javni konkurs za izbor i imenovanje tri člana Odbora za reviziju Kantonalnog javnog komunalnog preduzeća "Vodovod i kanalizacija" d.o.o. Sarajevo (u daljem tekstu: Preduzeće), sa sjedištem u ulici Jaroslava Černija broj 8, 71000 Sarajevo.

Imenovanje članova Odbora za reviziju vrši Skupština Preduzeća, na prijedlog Nadzornog odbora, a izabrani članovi će na konstituirajućoj sjednici Odbora za reviziju jednog od svojih članova izabrati za predsjednika Odbora za reviziju.

U Odbor za reviziju Preduzeća se biraju 3 (tri) člana na period od 4 (četiri) godine.

Predsjednik i članovi Odbora za reviziju pojedinačno zaključuju s Preduzećem ugovor, koji u ime Preduzeća potpisuje direktor, a na osnovu prethodne saglasnosti Skupštine preduzeća. Ovaj ugovor sadrži prava, obaveze, odgovornosti i visinu naknade predsjednika i članova Odbora za reviziju.

1. Nadležnost i odgovornost Odbora za reviziju.

Odbor za reviziju je nadležan i odgovoran da :

- a) imenuje vanjskog revizora;
- b) imenuje direktora Odjela interne revizije na osnovu javnog konkursa za izbor tehnički najbolje kvalifikovanog kandidata;
- c) donese Poslovnik o radu Odbora za reviziju;
- d) usvaja Strateški plan rada Odjela interne revizije;
- e) usvaja Godišnju strategiju rizika po prijedlogu Odjela interne revizije, u kojoj su prikazane pojedinosti u pogledu rizičnih područja;
- f) usvaja Godišnji Plan revizije, po prijedlogu Odjela interne revizije;
- g) osigura da Odjel interne revizije izvrši svoj posao u skladu s Planom revizije i da svoje obaveze obavlja u skladu s međunarodnim revizijskim standardima;
- h) usvaja izvještaje Odjela interne revizije o izvršenim revizijama;
- i) razmatra izvještaj eksternog revizora i očituje se o datom mišljenju i eventualnim preporukama, te očitovanje upućuje Upravi, Nadzornom odboru i Skupštini Preduzeća;
- j) daje mišljenje Skupštini Preduzeća o prijedlogu Uprave o načinu raspodjele dobiti odnosno pokriću gubitka;
- k) daje nalog Odjelu interne revizije, na zahtjev organa upravljanja, o vršenju vanrednih revizija;

- l) izvrši reviziju godišnjeg obračuna i istovremeno kontrolu usklađenosti poslovanja Preduzeća i funkcioniranja organa upravljanja Preduzeća sa zakonom, drugim relevantnim propisima i osnovnim principima korporativnog upravljanja i o tome dostavi izvještaj Skupštini Preduzeća i Nadzornom odboru;
- m) osigura da interne kontrole, iz njegove nadležnosti, u Preduzeću budu adekvatne i da funkcionišu kako je predviđeno;
- n) daje preporuke Upravi o uočenim nepravilnostima;
- o) podnosi Nadzornom odboru sažete mjesečne izvještaje o svojim aktivnostima;
- p) sačini izvještaj o svom radu za proteklu godinu i putem Nadzornog odbora dostavi Skupštini Preduzeća;
- q) razmatra izvještaje Uprave o provedenim nabavkama;
- r) daje mišljenja i preporuke Nadzornom odboru o izvještajima Uprave o nabavkama;
- s) obavlja i druge poslove u skladu sa zakonom.

2. Uslovi koje kandidat mora ispunjavati:

Kandidati moraju ispunjavati opće i posebne uslove .

A) Opći uslovi

1. da je stariji od 18 godina i da nije stariji od 65 godina na dan imenovanja (*dokaz: izvod iz matične knjige rođenih original ili ovjerena kopija istog*),
2. da je državljanin Bosne i Hercegovine (*dokaz: (dokaz: uvjerenje o državljanstvu, ne starije od 6 mjeseci ili ovjerena kopija istog)*),
3. da nije osuđivan za krivično djelo i za prekršaj nespojiv sa dužnošću člana Odbora za reviziju 5 (pet) godina od dana pravosnažnosti presude, isključujući vrijeme zatvorske kazne (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
4. da se protiv njega ne vodi krivični postupak (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
5. da nije lice kojem je pravosnažnom presudom suda zabranjeno obavljanje aktivnosti iz nadležnosti Odbora za reviziju (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
6. da nije otpušten iz državne službe kao rezultat mjere na bilo kom nivou vlasti u BiH , u periodu od 3 (tri) godine prije dana objavljivanja ove upražnjene pozicije (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
7. da se na njega ne odnosi član IX 1 Ustava BiH (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
8. da nije na funkciji u političkoj stranci (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
9. da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti (*dokaz : potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
10. da nije član Nadzornog odbora, Uprave ili radnik Preduzeća (*dokaz: potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*),
11. da nema finansijski i drugi interes u Preduzeću, izuzev naknade po osnovu ove funkcije (*dokaz : potpisana izjava kandidata, ovjerena od strane nadležnog općinskog organa ili od strane notara, ne starija od 3 (tri) mjeseca*).

B) Posebni uslovi

- a) da ima univerzitetsku diplomu VII stepena stručne spreme, odnosno završen drugi ciklus Bolonjskog sistema studiranja ekonomskog smjera, s tim da jedan član Odbora za reviziju može biti lice koje ima univerzitetsku diplomu, odnosno visoko obrazovanje pravnog smjera sa položenim pravosudnim ispitom (*dokaz: ovjerena kopija diplome traženog nivoa stručne spreme*

odgovarajuće struke, uvjerenje o položenom pravosudnom ispitu kod kandidata sa visokim obrazovanjem pravnog smjera-original ili ovjerena kopija istog),

- b) da ima najmanje pet godina radnog iskustva na finansijsko-računovodstvenim poslovima, poslovima revizije, finansijske kontrole, nakon sticanja univerzitetske diplome, odnosno visokog obrazovanja (*dokaz: potvrda ili uvjerenje o potrebnom radnom iskustvu, izdato od poslodavca, original ili ovjerena kopija istog, ne stariji od 3 (tri) mjeseca*),
- c) da ima zvanje ovlaštenog revizora ili internog revizora, - jedan član Odbora mora biti iz redova ovlaštenih revizora (*dokaz:certifikat ovlaštenog revizora izdat od strane Saveza računovođa, revizora i finansijskih radnika FBiH ili analognog organa u RS i BD ili certifikat internog revizora za javni sektor izdat od strane Federalnog ministarstva finansija BIH, original ili ovjerena kopija istog, ne stariji od 3 (tri) mjeseca*).

C) Prilikom procjene kvalifikacije i iskustva kandidata, uzet će se u obzir i sljedeće:

- 1.stručna znanja iz djelatnosti KJKP "Vodovod i kanalizacija" d.o.o. Sarajevo i upućenost u sadržaj i način rada organa upravljanja javnih preduzeća (*dokaz: provjerit će se putem intervjua*),
- 2.sposobnost prepoznavanja, zastupanja i zaštite interesa javnog preduzeća (*dokaz: provjerit će se putem intervjua*),
- 3.znanje i sposobnost razumijevanja poslovnih izvještaja, poznavanje privrednog prava i ukupnog zakonodavstva na području djelovanja Odbora za reviziju (*dokaz: provjerit će se putem intervjua*),
- 4.rezultati rada ostvareni tokom profesionalne karijere (*dokaz: preporuka poslodavca ili posljednja ocjena poslodavca o rezultatima rada, original ili ovjerena kopija istog, ne stariji od 3 (tri) mjeseca*).

Konkursna komisija vrši postupak provjere blagovremenosti i potpunosti dokumentacije podnosioca prijava te ispunjavanja uslova te dostavlja Nadzornom odboru izvještaj o provedenim aktivnostima sa kompletnom dokumentacijom kandidata.

Svi kandidati koji ispunjavaju formalne uslove bit će pozvani na intervju koji će provesti Nadzorni odbor, najkasnije u roku od petnaest dana od isteka roka za dostavljanje prijava. Prijave kandidata sa kojima se ne stupi u kontakt u navedenom roku neće se razmatrati u daljem toku postupka.

Pozvani kandidati koji ne pristupe na zakazani intervju, smatraće se da su odustali od konkursa.

Odluku o imenovanju članova Odbora za reviziju donosi Skupština Preduzeća, na prijedlog Nadzornog odbora.

Kandidati su dužni uz prijavu koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata koji su dokaz o ispunjavanju opštih i posebnih uslova traženih konkursom te o rezultatima rada ostvarenih tokom profesionalne karijere.

Komisija za provođenje postupka izbora kandidata za Odbor za reviziju zadržava pravo provjere svih podataka iz izjava i drugih dokumenata kandidata.

Konkurs će biti objavljen u dnevnom listu „Oslobođenje“, „Službenim novinama Federacije BiH“ i na web stranici KJKP "Vodovod i kanalizacija" d.o.o. Sarajevo i ostaje otvoren 15 dana od dana posljednjeg objavljivanja.

Kovertirane prijave sa traženim dokazima dostaviti lično ili preporučeno poštom na adresu:

**KJKP "Vodovod i kanalizacija " d.o.o. Sarajevo , ulica Jaroslava Černija broj 8, sa naznakom :
"PRIJAVA ZA JAVNI KONKURS ZA IZBOR I IMENOVANJE TRI ČLANA ODBORA ZA
REVIZIJU KJKP "VODOVOD I KANALIZACIJA" D.O.O. SARAJEVO
- NE OTVARATI !"**

Na poledini koverta je obavezno naznačiti ime i prezime i adresu podnosioca prijave.

Nepotpune i neblagovremene prijave neće se razmatrati.

Preduzeće nije obavezno vraćati dokumentaciju dostavljenu uz prijavu.